



**COMUNU DE MARA**  
**Tzitadi Metropolitana de Casteddu**

**Servìtziu Sotziali**

COPIA

**DETERMINATZIONI DE SU RESPONSÀBILI DE SU SERVÌTZIU**

**N. 293**  
**de su 18/03/2020**  
**de su registru generali**

**OGETU: ATIVATZIONI DE SU TRABALLU ÀGILI O SMART  
WORKING AINTRU DE IS MEDIDAS PO SU  
CONTENIMENTU E SA GESTIONI DE S'EMERGÈNTZIA  
EPIDEMIOLOGICA DE SU COVID-19**

**RESPONSÀBILI DE SU SERVÌTZIU**

Dotoressa Ignazia Podda

**UFÌTZIU**

**RESPONSÀBILI DE SU PROCEDIMENTU**

**N° 46 de sul 18/03/2020 de su registru de su Servìtziu Sotziali**

**☒ - Àutu chena rilevàntzia contàbili**

## SU RESPONSÀBILI DE SU SERVÌTZIU

**BIU** su Decretu Lei 23 de friàrgiu 2020, n.6, chi narat “Medidas apretadas apitzus de su cuntenuimentu e sa gestioni de s’emergèntzia epidemiològica de COVID-19”, furriau in Lei 5 de martzu 2020, n. 13;

**BIU** su Decretu de su Presidenti de su Cunsillu de is Ministrus de su 8 de martzu 2020, chi narat “Atras disposiduras faidoras de su decretu-le 23 friàrgiu 2020, n. 6, chi tenit medidas apretadas apitzus de su cuntenuimentu e gestioni de s’emergèntzia epidemiològica de COVID-19”;

**BIU** s’art.1, comma 6, de s’ùrtimu D.P.C.M. de su 11/03/2020, chi previdit chi, aturendi totu cussu cumandau in s’art.1 comma 1, lèt. e) de su D.P.C.M. 8/03/2020, e a foras de is atividadis funtzionalis meda a sa gestioni de s’emergèntzia, is aministratzioni pùblicas, assegurant su cumprimentu de manera costumada de is fainas de su traballu de manera àgile de su personali dipendenti insoru, in dèroga puru a is acòrdius individualis e a is cumandus informativus cunforma a is artt. de 18 a su 23 de sa L. n. 81/2017 e agatant is atividadis chi no si podit straviai de ddus fai in presèntzia;

**BIU** su s’Ordinàntzia PCM Dipartimentu de sa protetzioni civili 8 de martzu 2020, n. 645, chi narat “Atras interbènnida apretadas de patologias ocasionadas de agentis viralis trasmittibilis”;

**BIA** sa Diretiva n.1/2020 de su Ministru de sa Aministratzioni Pùblica de su 25 de friàrgiu 2020, chi tenit cumentu ogetu “primas inditaduras apitzus de cuntenuimentu e gestioni de s’emergèntzia epidemiològica de COVID-19 me is aministratzioni pùblicas a foras de is àreas de s’art. 1 de su Decretu Lei 6 de su 2020”;

**BIA** sa Circulari n. 1 de su Ministeru po sa Aministratzioni Pùblica de su 4 de martzu de su 2020, chi tenit cumentu ogetu “Medidas de impèllida po s’impreu de maneras indullidoras de cumprimentu de sa prestazioni de traballu!”;

**BIA** sa Diretiva de su Ministru de s’Internu prot. 15350/117(2)/Uff III-Prot.Civ. de su 8 de martzu 2020, chi narat “Medidas apretadas po su cuntenuimentu e sa gestioni de s’emergèntzia epidemiològica de COVID-19”;

**BIA** sa Deliberazioni G.C. n. 23 de su 11/03/2020 chi at donau, po cussa tarea, is inditaduras chi pertocant a sa fichidura de maneras simprificadas e interinas de intrada a su “Lavoro agile”, po cussu chi pertocat a su personali totu intreu, chene fai diferèntzias de categoria de incuadramentu e de genia de raportu de traballu, a foras de cussas atividadis chi no si podint mòviri e si depint fai in presèntzia, pensendi puru a cussas chi funt alliongiadas de manera strinta a sa gestioni de s’emergèntzia epidemiològica de COVID-19, po totu su tempus de aturada de s’emergèntzia sanitària de sa normativa numenada innoi asuba;

**CUNSIDERAU**, intzaras, s’apretu, a foras de is atividadis giai numenadas chi no podint essi mòvias de ingunis e pompiendi totu cussu previdiu in s’art. 1, comma 1, lìtera e), de su D.P.C.M. 8/03/2020, de assegurai sa sigidura de is servìtzius cun sa faidura de manera costumada de su traballu àgile cumentu narai me is artìculus de 18 finsas a 23 de sa L. 81/2017 de su personali dipendenti, indicativamenti po totus is atividadis chi funt fatus de manera costumada anca est su logu de traballu, castiendi sempri a sa genia de cussas e cun is trastus informàticus a disposidura (*aundi nci funt*), in dèroga puru a is acòrdius individualis chi funt stètius pigaus ainnantis.ì;

**BIAS** is pediduras de is dipendenti Silvia Pinna e Simonetta Onali arricias de su protocollu de

s'enti a is nùmerus 3622 sa prima e 3623 sa segunda;

**ARREGORDAU** su decretu de su Sìndigu n. 13 de su 31/07/2019, aundi sa responsabilidadi de su Servìtziu Sotziali est stètia donaa a sa Dotoressa Ignazia Podda;

**ARREGORDADAS:**

- sa Deliberatzioni de sa Giunta Comunali n. 15 de su 24/02/2017, chi pertocat a s'aprovatzioni definitiva de sa re-apariciadura de s'Enti;
- sa Deliberatzioni de su Cunsillu Comunali n. 72 de su 27/12/2019, chi at aprovau, cunforma a s'art. 179 de su d. Lgs. n. 267/2000, su Documentu Ùnicu de Programatzioni (DUP) po su triènniu 2020/2022;
- sa Deliberatzioni de su Cunsillu Comunali n. 73 de su 27/12/2019, esecutiva in is trèminis de lei, chi at aprovau su balanzu de prevididura finantziàriu 2020/2022;
- sa Deliberatzioni de sa Giunta Comunali n. 82 de su 17/07/2019 chi tenit cumentu ogetu: "Aprovatzioni de su Pianu Esecutivu de Gestioni (PEG) 2019/2021, Pianu Detallau de is Tareas e Pianu de sa Performance, annualidadi 2019";
- sa Deliberatzioni de sa Giunta Comunali n. 83 de su 17/07/2019 de su 'Organigrama e Funtzionigrama de s'Enti' nou";

**BIUS:**

- Su D. Lgs. n. 267/2000;
- Su D. Lgs. n. 118/2011;
- Su D. Lgs. n. 165/2001;
- Su statutu comunali;
- Su regulamentu comunali apitzus de s'ordinamentu generali de is ufitzius e de is servìtzius;
- Su regulamentu comunali de contabilidadi;

**DONAU ÀUTU** chi custa determinatzioni no ocasionat niscunu gastu e intzaras, poita no serbit su bistu de regularidadi contàbili chi cunfrimat sa crobetura finantziària, no benit imbiada a su Responsàbili de su Servìtziu Aministrativu Contàbili;

**DISPONIT**

**DE AGRADESSI** is premissas chistionadas innoi asuba cumentu parti integranti e arresoni de fundòriu po s'arricidura de custu provedimentu;

S'ativatzioni de sa manera de su "Lavoro Agile" numenau in is artt. 18 e 23 de sa L. n. 81/2017, po is dependentis chi sighint, **po totu su tempus de aturada de s'emergèntzia sanitària cunforma a is normas numenadas innoi apitzus**, po cu cumprimentu de totus is atividadis fatas de manera costumada in su logu de traballu insoru, de manera cumpatibili cun sa genia de cussas e totu e cun is trastus informàticus a disposidura, puru in dèroga a is acòrdius individualis chi funt stètius firmaus ainnantis:

NÒMINI	UFÌTZIU	DIÌ DE CUMINTZU
SILVIA PINNA	ISTRUTZIONI PÙBLICA	DE SU 23 DE MARTZU 2020
SIMONETTA ONALI	POLÌTICAS SOTZIALIS	DE SU 23 DE MARTZU 2020

Donnia dependenti depit torrai sceda a sa sutastrita narendi is trastus chi ponit a disposidura in su petantis de su traballu àgili cosa sua, e si serbit, pediri de arriciri po parti de sa aministratzioni atrus trastus chi ddis serbint po fai traballai. In custu acontèssiu, is trastus imbordigaus, cunfrirmaus cumentu bonus po is abisòngius de s'atividadi de traballu, benint donaus a su traballadori in

comodau de impreu (sighendi sa disciplina de s'articulu 1803 e ss de su Còdixi Civili).

Aturat craru chi is gastus chi pertocant a is impreus elètricos, o de manutengu de is aparicius de propiedadi de su traballadori, cumentu puru su gastu e sa connessioni datus tocant a su traballadori e totu.

Sa sutascrita donat, in prus, custas inditaduras apitzus de s'oràriu de traballu:

- sa traballadora depit assegurai, in su tempus de sa gerronada de traballu àgili, una fàscia aundi podit èssiri tzerriada a su telèfonu o cun sa email, de acordai cun sa sutascrita;
- sa traballadora si depit pasiaidònna di e dònna cida cumentu est preidiu de sa normativa vigenti. In prus tenit su deretu-dèpiri de no traballai in sa fàscia de traballu a de noti carculada de sa normativa vigenti (de is 22.00 oras finsas a is 6.00);
- a sa traballadora est arreconnotu su deretu a su scongiuntamentu in ocasioni de su pàsiu po pràndiri in una fàscia orària scioberada de issa. In prus, cumentu prevèdiu de sa normativa vigenti apitzus de sa saludi e seguresa in is logus de traballu, is traballadoris video-terminalistas depint fai unu pàsiu de 15 minutus dònna 120 minutus de traballu;
- su traballu àgili no depit essi fatu in su petantis de diis de festa e de fèries, arreposu, maladia, strupiadura, aspetativa o atrus istitutus;
- po mori de sa spratzdura moddi de su tempus de traballu, in is diis de traballu àgili no est arreconnotu su tratamentu de trasferta e no funt configuràbilis prestatzionis straordinàrias, de noti o de festa, allonghiamentus de s'oràrtiu de traballu in prus e nimancu permissus lestrus e atrus istitutus chi ocasionant impiticaduras de oràriu;
- me is diis de traballu àgili no tocat su bonu po papai, mancari si sa prestatzioni de manera àgili pertochit sceti unu arrogu de sa gerronada;
- sa dipendenti de norma dònna dii, o puru cun tempus diferentis aundi is tipologias de traballu pidant unu impèniu de prus de una dii de traballu imbiat a su Segretàriu e, si est prevèdiu, a su Cunsilleri referenti unu report piticu a pitzu de is atividadis fatas; s'enti assegurat sa saludi e sa siguresa de su traballadori cuforma a s'esercìtziu de s'atividadi de manera àgili, aici chi est parti integranti de custa determinatzioni s'informativa allongiada a pitzus de sa gestioni de sa saludi e de sa seguresa po is traballadoris in traballu àgili, cunforma a s'art. 22 de sa lei 81/2017;
- de dònna manera, s'enti no est imbordigau in acotèssius de strupiaduras po crupa de sa diligentza fartada de su traballadori scioberendi unu logu pagu bonu e pagu cumpatibili cun cussu indtau in sa informativa;
- dònna traballadori traballat cun profetu e cun conca cun sa tarea de asigurai una cumpridura segura e currìgia de sa prestatzioni de traballu, ponit menti a is arrègulas po sa prebènnida e su cuntenimentu de s'apestamentu spratzinadas de is autoridadis cumpetentis, arrespetat is cumandus normativus, cuntratualis e is inditaduras de s'enti a pitzu de su resguardu de totus is informatzionis chi arricit po su traballu chi dd'ant entregau e de cussas chi benit de s'impreu de is trastus, is programas e is datus cuntènnius aintru de cussus, ponit menti a su còdixi de cumportamentu de su Pianu Triennali de sa Prebènnida de su currumpimentu e de sa Trasparèntzia 2020-2022 (PTPC) arriciu de s'Enti;

**DE DECRARAI** s'insussistèntzia a pitzu suu de ipotesis de cunflitu de interessus cunforma a s'art.

6 bis de sa lei 241/90.

**DE ATESTAI** sa regularidadi tènnica, donendi àutu de su currìgiu de sa atividadi amministrativa, cunforma e po is efetus de cussu chi cumandat s'art. 147 bis de su D. Lgs. 267/2000.

**DE DONAI ÀUTU**, in prus, ch custa determinazioni:

- No ocasionat nisciunu gastu e intzaras, poita no serbit su bistu de regularidadi contàbili chi assegurit sa crobetura finantziària, no benit imbiau a su Responsàbili de su Servìtziu Amministrativu Contàbili;
- Bandat fichia in su Registru generali de is Determinationis, chistiu de su Servìtziu Giurìdicu
- Benit publicada in su Albu Pretòriu on line de s'Enti cun is tareas de sa publitzidadi e trasparèntzia

**DE PONNI A DISPOSIDURA** custu documentu e totu in manera digitali cun sa fichidura in su Server de s'Enti cunforma a s'art. 53 de su Regulamentu apitzus de s'Ordinamentu de is Ufitzius e de is servìtzius aprovau cun deliberazioni de sa Giunta Comunali n. 54 de su 22/05/2019.

**Su Responsàbili de su Servìtziu**

Dr.ssa Ignazia Podda

Firmau de manera digitali cunforma a s'art. 24 de su D. Lgs 82/2005